



03160

少嶽山人詩集序

攜李項氏子瞻博學攻文尤長於詩

余就聞

之惜未覩也

先帝壬申春爲白嶽之遊歸臻其地符卿戚希仲出而郊勞翌日觴余真如寺子瞻在焉兩家親睦也迺始挹光儀聆警欬而心醉若其高蹈足以遺世恬澹足以引年似得衛生之術而深湛之思可以葆神亡何委化禪榻邈爲酒壚梵鍾悽於隣笛賦詩哀之焚草墓上

項少嶽詩集序

茲季氏子京取其藪留頰耆卒之焚草墓上

曰少嶽山人思下以蕭軒十所委身戰敵幾長爲之序子京割藪以爲序以爲序之編吾孝常彙補闕之集異代同調必展玩厥序氏原封國童挺帝師自遼徙洛佐漢翊晉代有令聞史不乏書爲越世家我

明若襄毅公勲德並隆文武爲憲詒謀慕服不在茲乎夫攜李者春秋時吳越分境故曰由拳吳之備候塞也論疆界則域盡揚州地苞

吳會考山川則陽抱亘於香山具區通乎長
水項與戚本亦吳人如言游之華而摘機雲
之藻者也余與二君爲鄉人云符卿痛藩政
之日敝上書極言下之春官不讐乞歸奉母
爲綿上之隱奄隨朝露恨不及泉尋亦哀毀
從逝矣孝哉希仲乎子瞻以貲授光祿非其
好也授劾宅憂時並不遭年亦中促然希仲
不朽者青藜在也少嶽集成足稱雙璧今觀
古選冲逸陶謝匹也五言典雅王孟流也七
字清婉錢卽亞也兼以人爵非榮天真自遠
開蔣生之徑灌仲子之園結東林之社置北
海之尊密友良朋偕之歡賞金昆王季與之
倡酬三俊齊名一時獨盛翰墨之精又其餘
事耳昔彥昇王文憲集序侈原家風詳述宦
履倬彼天授之資獎茲人倫之鑒未揚作者
之本受知効德在門宜然乃眷棟華實遵斯
軌昭明陶徵君集序夙欽高品深契曠懷謂
其詩跌宕超類爽朗莫京橫素波而旁流干

青雲而直上異代賞音匪曰貢諛竊附斯義
序論如左云

萬曆三年歲在乙亥首夏朔

賜進士天官司勲郎 勅僉南中憲使安定皇

甫汾子循撰



項水嶽詩集序

三
墨林山堂

少嶽詩集卷一



李項元洪



撰

項元汴 子京 校

懷鶴爲陳子作

苔蒼全覆逕松翠自爲林月想高樓影風悲相和音
雕軒花嶼香僊馭海門深滂托哀絃操猶瞻華表陰

秋懷

空林清曙翠雲停合沓秋山當列屏階葉迴風金片
片巖枝拂露王泠泠南瞻氛祲通炎壤北望干旄肅
舜庭卻訝楊雄今白首日長寂寞太玄經

項元汴卷之二

墨林山堂

月下過高子元不值悵然有作

晴沙碧時帶重城氣肅銀河欲倒傾深苑鳳棲千竹
挺疎林月映兩湖明宵寒陳榻虛鐙火秋暮陶杯阻
菊英耽卧不知離索久興來聊擬剡溪行

雙湖別業宴集

霽野含新潤寒沙帶夕陽雲連如鳥嶼湖並學鴛鴦
就竹瓊筵敞攀梅錦箏芳德星瞻遠漢高會動滄浪

守默山房 并序

守默子浮游物外得道忘言抱玄韜真沉默
自守卜居湖南聊以遁跡終當從安期赤

松葦逍遙六合之表仰矚逸軌伸贈短章
默者其嗤余之多言也耶

丹霞錦嶼併成丘水面停雲翠結樓自愛冥棲窺石
壁莫令真氣動青牛窓含霽色瑤花滿几落寒香玉
髓流朝市未能淹上隱逍遙終共赤松遊

觀朝雨

北風飛雨如塵埃灑閣沾林江上來
以氣直吞吳藪
潭浮陰全蔽越城臺虛堂弄色猶餘羽野圃含芬欲
有梅身世豈知雙寂寞逢時還喜聖賢杯

送陳一表兄就試南宮

項嶽集卷之一

二

墨林山堂

薊北官袍新侶儔江南草色獨牽愁遙從杏苑探花
醉更上春池逐鳳遊日月雙懸金作闕雲霄層起玉
爲樓相如詞賦初承寵握管含香侍 袞旒

新霽望所遲客

近市樓臺披錦繡隔溪鍾磬出氛氳胡牀晚據東吳
月鳥几朝開南越雲城霽舍春催柳色林暄擬酒傍
梅氛臨江引領進來客搖曳天邊雁幾羣

至日獨酌

天分中道日南至水落三江雁北來杯裏霞文如泛
綺雨餘雲氣自爲臺
聖王布惠乘時令太史迎

愴候管灰獨有梅花寒谷底參差稍待暖風回

同郁文芳過徐國儀草堂于時曠景初匿靈

雨既零觴俎紛列陸博聞陳酒如淮澗燭
不見跋狂嘯歡呼俄而漏下二鼓矣於是

欣然操觚洙翰遂成三絕

錦溪不讓灑西村瑤館時開北海尊看劍雙龍翔赤
電呼盧五采躍金盆

二

翠屏珠箔暖相鮮鱸膾醇杯高炬然雨外金壺催漏
水花前玉塵坐談玄

項嶽集卷之一

三

墨林山堂

三

座上翩翩鸞鳳倚南州徐穉舊風流酒酣豪氣吞江
海咲倚蒙茸狐白裘

歲暮寄黃子朝甫

翠壁丹崖結構深蕭條歲暮養疴心空中清嘯鸞凰
語石上瑤琴山水音簾影乍開風稍入簾文新展竹
交陰方同戰勝投簪者聊欲攀翻叢桂林

雪後寄諸子華時諸子初婚

溪長搖水態沙淨雜雲陰殘雪踈蘭舫深杯遲竹林
梅交雙蒂玉柳結並枝金更憶層樓敞遙傳鳳管音

晚集江子池亭 并序

江子者江湖骯髒士也託跡羽林斐然有述
作之志終將遐舉遠適以母老之故尚爾
棲遲時 命下議毀祠宇意者爲江子驅
耶

落日猶含瑤草叢暮筵初敞望僊宮玲瓏石室丹霞
絢漭沉滄池銀漢通簾底互談霏似玉酒邊雙劍拂
成虹未將身世隨棲窟共解深城有卧龍

往余東遊海上逢逸士朱靜溪別去且十年
復見於半畝池亭酒酣道故歡然有贈

項欽卷之二

四 墨林山堂

滄海春風憶別筵碧山桂樹重留連掌中杯影千巖
日鏡裏池光半畝天歌咏應同白雪調著書不但絕
交篇 朱穆著
絕交論 幽棲見說臨溪水沙淨鷗羣拂釣船

客有談西郭草堂之勝遂以詩遺之

郡城百雉控郊墟萬木扶疎繞屋廬湖並逢分天目
水地偏無似浣花居簾櫳日色朝還遲几簞山光暮
有餘樵李亭前芳草路唯應牛角掛殘書

落花成茵陶然就卧賦此

瑤砌日光遲繁葩辭故枝片片牽香綴重重若錦披
帶露微柔滑因風稍轉移正逢春酒困兼傷綠陰垂

初秋送陳鳴野遊白下特聞

車駕將南

幸

冥鴻依北壘蒼隼樂南征王氣丹青接秋陰王殿生
地分江作塹山控石爲城願以梅花水沾君塵土纓

二

離筵涼稍入別浦月重新劍拂三山石帆移二水濱
吳宮開鳳邸舜輦動時巡嬾上相如賦應思張翰尊

見新月有懷

秋雨斷餘霏涼宵新月輝俄升疑壁掩漸遠學鈎微
蟬響停巖葉花光湛露幃茂陵消渴處獨卧白雲扉

項飲集卷之一

五

墨林山堂

宴集錦溪堂醇引碧筒歌翻白苧谷鴛秋轉

溪芳晚榮旣醉賦詩二章

雕欄臨雀逕畫檻俯魚梁樹雜丹葩滿溪分錦帶長
鶯簧歌外嚙蘭佩舞餘香遽惜歡娛晚麾戈駐景光

二

狂追河朔飲興洽竹林遊日氣含殘暑雲陰澹素秋
玉寒水益薄羽動水觴流更擬乘槎去還應待月留

月浦秋汎

假楫披襟遵北渚牽花隨意涉南川月含霞氣千重
綺水映峰文百朶蓮歌外未迴青雀舫鷗邊聊敞白

蘋筵臨風欲附雙飛翼
秋漢冥冥萬里懸

待月鴛鴦湖得涼字

沿月浮槎渺臨風翠幌涼
情深聊夜飲坐久轉輝光
鷺宿終隨侶鴻飛不離行
咏歌非點也更比向來狂
垂露合 雨霽乘小舟汎龍淵
涉鴛鴦湖而還

金淵臨墮日珠穴動蒼蚪
逕轉千花雜川長一道流
雨連吳苑夕雲帶越山
秋別向鴛鴦渚何殊剡曲遊
意合 月夜同友人汎舟秋溼

野曠秋如洗舟行若在
天流文風不斷桂影月新圓
夜潤沾花露杯寒湛醴泉
遙將銀漢度莫訝客星懸

項嶽集卷之一

六

墨林山堂

弭棹鷗沙霽鳴榔露渚涼
漪蘊薰月席脩竹韻風篔
意洽遊魚出談傾秋水長
纓塵如可濯何必在滄浪

冷塘詩二十韻贈周侍御

皎皎南州彥汪汪千頃陂
日邊同振藻川上有遐思
垂象含飛動金塘淨碧漪
氛氳浮爽氣瀟灑引寒颼
天接銀潢瀉波平白練披
還應清可濯而與暑偏宜
自合滄浪詠休稱雲漢詩
流澌如不斷積雪詫消遲
鰲戴瑤山鳥槎浮芳樹枝
龍翔虛窟宅鵬運徙天池
吳越觀風日幽燕攬轡時
星瞻熒惑彩驄避渥注姿

柱下推周史臺端慕漢儀遂令鳴鳳跡長使自鷗疑
麟閣遙相待滄洲未有期苔荒三徑碧栢近衆鳥隨
霜凜沾巖壑風裁動赤墀真看濟川楫猶想釣璜絲
傳野王家佐礪谿帝者師澤深民未識歌曲蒼無爲

梅池

淑氣暖初回芳池併是梅池分天漢水梅出上林栽
解作鼎中實還將鏡裏開蓬瀛如可望玉樹倚瑤臺

湖南燈宴

晴湖風乍暖夕館月如霜燈燦千花綴屏深萬錦張
琴尊成晤語梅柳入年芳自可遲歸棹唯應待曙光

頌獻集卷之一

七

墨林山堂

陳子新雨草堂春集得門字

西城薄暮移蘭觴蒼野餘暉靄竹門更取澄淵如剡
水還將垂柳比陶村畱尊芳塢舒梅素展篔簹春沙淨
雨痕丽景詎辭頰宴賞坐深偏愛燭花繁

星異

春王正月晦有星來自東卒傾井隕石橫度若焚空
達曙凌奔響移時耿白虹佇看初日景霾曠引飄風

霰集時有安南之役

晝寒違令序霰集欲春過稍覺珠垂密還驚玉綴多
無風摧隴麥維雨灑庭柯玉師開瘴厲應爲肅干戈

曩梅谷往龍興蓋元夕焉今茲來也寒會矣
故事會必詩爰志離合

湖渚燈筵驚乍別市廛新火燙相逢花房佳氣含晴旭
樹杪春聲激晚風白石空林玄覽裏三湘五嶽卧遊中
迂疎未許從蓮社尊酒還應共竹叢

余家有琴石委棄久之客過余請焉石也喜
有遇矣乃其人不諳琴頗茲焉好是亦志
在洋洋我我者遂欣然致其一侑之以詩

聲諧清廟質苔駁錦文深多君垂拂拭而我媿知音
蘭邊鏗玉案風處雜龍吟莫索廣陵譜但寄無絃心

項嶽集卷之一

八 墨林山堂

姚子移家松江二年頗有歸與之情春日偶

過席上賦此無爲卜居

賦擬閒居興情淹叢桂林青山屏氣雜黃鳥有佳音
玉笋含丹醴漪蘭淨素琴願言投分友長此晤幽襟

二

村樹湖雙逸林沙竹不疎還將桑梓里重卜隱淪居
莊鳥吟中思虞卿愁裏書扁舟尚留滯應復待鱸魚
黃子竹中爲臺勿我醉也有詩勿我聞也輒

往嘲焉

曲池巖岫寫蓬萊華館朱樓相映開別向叢篁分小

豎重將錦石作層臺月明河漢當筵度風拂笙簧逐
鳳回共道陽春能獨擅却隨下里和歌來

黃子山亭垂絲海棠甫開遂遭風雨亦咎其
未及賞

錦縷牽風散丹房雜雨深稍辭枝上艷已結砌旁陰
顧此熹微景悵然遲暮心亭皋餘賞待鳥嘯晝沉沉
風雨憶徐子海棠

金屋春暉面朱闌花作叢啼痕偏稱雨柔態不勝風
葉潤纔分綠枝交却並紅應知歡宴處併在綺羅中
晚宴黃子朝甫花亭兼懷郁子文芳

項嶽集卷之二

九 墨林山堂

草玄已學楊雄僻載酒還過問字船晴閣含風披石
磴芳闌待月敞春筵朱屏花結鸞章錦金炬光搖太
液蓮每共酣歌淹夜色獨思消息滯幽燕

春日過諸子園居

天馬橋西湖水迴芳園佳雨數追陪花間鳥語和香
度座上山光拱翠來細帙筠窓當晝淨紫毫華几傍
池開深杯莫訝高陽會盛世還徵艸下才

梧西席上觀妓連曉

梧館巢威鳳春杯促錦箏林青風色度沙白月華明
梅向歌中落桃隨咲裏生方看投佩去疑作采雲行

杜鵑粧錦樹歌舞出嬌鬢月將歌扇並風逐舞衣還
湖水爲雙泓城雲當小山接籬行樂地曉藹有無間
乘月過高子湖上別墅

湖光淡蕩淨林扉城堞平臨星斗暉朱剎遙如雙鳳
起浮橋近作五龍飛鴛鴦渚上牽芳杜楊柳堤邊覓
釣磯興洽蒼苔華月緩乘酣應在夜深歸

金闕雨中同陳白陽登樓

花間舞閣翔空出郭外歌筵面水開勝賞寧殊河朔
會憑高詎減仲宣才江懸疎雨銷炎燠樹拂流雲媚
晚杯既醉徘徊瞻北極不知何處是燕臺

陸羽泉

金闕桐葉繞玉井碧泉回皎潔開奩鏡芳芬動茗杯
靜中窺日月影裏見樓臺唯有忘機者還應抱甕來
子玉弟席上贈別嚴蒙齋

幽菴披芳檻琅玕映碧岑月華涼入夜雲氣薄垂陰
別袂凋新響歸途夏正深紉繭堪贈佩與子結同心
暮夏過子元草堂

徂暑平林雨乍收纖雲澄宇已迎秋含風翠柳宮腰
斷承露金蓮儂掌浮畦畦林蟬如度曲蕭蕭沙竹自

成洲還將宴樂耽斜景別向池塘著小舟

春谷詩 并序

春谷者美春谷而作也。噓陽吹暄樹範標準
跡存空谷謙下自居道並南山仰止奚及
故桃李舊燦絃誦播流欣觀舞雩之規竊
附風人之義遂稱詩述德成弟子之志焉
遲日丽晴沙芳春動物華鳥遷佳木轉山映慶雲賒
書帶虛巖草絃歌幽逕花祇應楊子室問字有侯巴
徂暑夜酌懷遠

涼颺初向夕爽氣遂盈庭雲薄綃爲幕山廻翠作屏

項徵集卷之一

十一

墨林山堂

蘭英當夏馥梧葉待秋零引酌無相晤長歌動杳冥
待月徵遠堂醉餘復眺湖上

虛庭肅宏敞暮景媚澄鮮露葉團如蓋風蟬急似絃
軒檻迎涼處山川命酒邊無須頻燭跋滿月正娟娟

二

班荆成野坐遵渚弄芳芬爲有濠梁興還共竹林群
湖平吞月色天迥盪雲文初秋聊晤會竟夕不辭醺
秋日小憇朱栖林園居

選地歌招隱幽居狎迺棲浮雲疑作雨殘照欲生霓
涼圃雙渠映秋巖古木齊何能控玄壑暫似入青谿

舟中南湖詠月

鴛湖輝朗月文鷁麗金波山出疑橫鯨魚浮似聽歌
薰葭秋色淨荷芰晚涼多即此成良晤不飲將如何

二

桂魄初臨望清光皓已盈沙虛如不夜岸白自生明
秋水無天瀉僊槎犯斗行泠然恣周覽風露肅澄瀛
碧梧閣同陳白陽晚眺

月宇臨芳桂星筵拂絳河遂投車轄飲無倒接離歌
砧杵催秋急風煙向晚多春波門外路乘興數經過

二

項蕙集卷之二

十二

墨林山堂

金閣商風晚丹房玉露秋月微弦影度溪淨練光浮
暫洽良宵欸真成秉燭遊庭前有佳樹攀折可淹留
八月十四夜月

清宵秋欲半明月倍堪憐桂長隨輪滿莫垂待葉全
英英雲彩爛泫泫露光鮮庾閣成今賞西園懷昔賢
十五夜無月追憶往年白下之遊率爾短述
明月常年悲轉逢今年愁思復秋中鳳凰樓處梧桐
雨鴻鴈來時桂子風空外高峰標霽宇人間無路躡
蜚虹寄言孤夜浮雲道忍如清輝歲不同

春日吳吳江諸友枉過席上有作時

郊扉物候開韶月藝苑春遊追竹林柳拂盡舒眉黛
翠鴛來並奏管簫音投簪醉裡青山晚命席花間細
雨侵莫嘆東南共留滯遙聞 巡幸訪幽深

山樓月集懷寄朱夷白

陶尊芳醴湛嵇興素絃調筵虛偏受月樓迥直干霄
山籟衝颯發林花炫夜饒披襟延眺賞蓬爾奏長謠
近山居

高館晴氛外羣山展簾前空中開翠障日下發金蓮
雲幙長含潤松窓不斷泉紛紛見鸞雀往往接飛僊

頌少嶽集卷之一

十三

墨林山堂

杪春同諸友登毘盧閣

錦閣攀依敞四臨丹青延佇俯千尋散花徃徃迎香
靄清梵時時度遠音城引溪流縈若帶日披海島盡
成金共憐勝地開椽苑暫對春風款道襟

古意八首秋日贈別

煙霏欲散紫綃輕千朶芙蓉列錦明江曙佇看南鴈
度塞寒愁見北人行

妝樓翠幌蕭初寒遠道穉風傷玉鞍筮獨只嫌嬌愛
淺壯遊不道別離難

金井蕭蕭梧葉秋踈銜刀尺小牕幽朔地迎寒多雪

霰爲君深夜整衣裘

燕山秋望鬱氛氲越水離筵僊桂芬
日下金鳧雙鳥影腰間寶劍七星文

湖日含霞暎碧流蘋風夾岸颺蘭舟
牽將蓮實同心結妬殺鴛鴦比翼遊

湖南煙柳拂垂垂日暮攀條牽碧絲
若見薊門楊柳陌也應重憶別來時

代北風高羣鴈飛江南秋盡尺書稀
到簾明月窺孤幌入戶吟蟲趣暝機

玉壁金城勢鬱盤北辰不動漢長安
定知麟閣封侯

項嶽集卷之一

十四

墨林山堂

貴莫念秋閨深夜寒

練浦汎舟

馬皇塘外敞芳筵構李城南景色偏
一浦平分澄似練兩峰遙映儼成蓮
沙寒楓落迎霜序月白鴻飛媚晚天
對酒縱歡猶未已移舟搖蕩杳登僊

秋日過棲林山房

僊臺寂歷含秋爽僻徑逶迤帶郭斜
烏嚮互調風處樂樹芳全吐月中花
林開翠岫披晴檻水落金塘淨晚沙
清晝更欣頰晤對玄心應已入雲霞

晚秋宴集

鳳隱秋林鎖碧梧
筵開別墅俯鱗湖
裁將雜采成花萼
疊出青山作画圖

文牖丹楹逸綠渠
北山窈窕敞僊居
蘭芬已結幽人佩
石古還藏太史書

日霽雲披空翠深
歌姬嬌鳥各成音
迷花欲卧東山石
中聖長過脩竹林

沈約郊園遠俗氛
右軍亭沼醉斜曛
在藻遊魚紛出躍
鳴皋白雀百為羣

千重樹色玉樓盤
一片湖光生晝寒
已覺槎如天上出
却疑人向鏡中看

項少微集卷之二

十五

墨林山堂

露髻長袖采霞文
獨立丰茸擅舞羣
君看越檝千年石
元是陽臺一片雲

清溪秋水蔚藍光
曲檻涵虛几簟涼
四面芙蓉風不動
踈簾玉軫對瀟湘

煙堤碧柳萬絲長
月渚金沙百道光
直視橋懸烏鵲外
遙應路接女牛傍

玉洞冥冥蒸紫霞
石門深映碧溪斜
應知別境藏春色
瀉出流泉間落花

鷓絃鳳管出花間
長夜厭厭醉不還
天柱正憐明月上
蓬萊聊借白雲攀

仲冬十八夜集贈別

待月愴分離寒沙碧水湄離當茲夕始月比昨宵遲
賞墮方三萼輪虧欲半規宅時見盈缺兩地起相思

贈吳吳江二首

鴻來成雙聚鳳去杳孤騫柳葉行邊色梅花別後魂
四水分江喚羣峰逼海門從茲稅歸鞅歲晚獨丘園
滬瀆元同水胥山不隔雲誰言居止接已有越吳分
白雪終稀和鳴琴斲罷聞唯餘一尊酒可以慰離羣

南谷爲吳初泉尊翁作

鄭谷臨雙峽天南動少微青山聊隱几流水亦忘機
長日倦函秘薰風玉軫揮場苗雖可悅久與白駒違

預少嶽集卷之二

十六

墨林山堂

雪夜過宿

草堂時高子初還

夜寒來剡棹幽賞洽梁園湖淨水爲鑑林廻雪作蔭
柳條催臘變梅蕊候春繁龍劍初欣合鸞觴復共論

龍淵書屋

言求黃鳥友載詠露斯詩淵近龍長整湖偏春不遲
雪憐今下榻梅記昔攀枝晤對能終夕清銜傍酒卮

金陵送友還苕溪

喜遘江東俊言同白下游逃名耽酒市走馬過妝樓
七寶龍文劍千金狐白裘賓王多藻思康樂舊風流

花以繁絃繞歌將落月留長
嫌燕樂少不道歲年道
暗渡迷桃葉寒城枕石頭
六朝分擾擾二水日悠悠
羅綺餘殘樹鉛華盡古丘
何堪懷愴地無起別離憂
淮浦輕分袂茗溪趨下舟
高踪孤鶻逝羈跡片雲浮
宵邁經吳壘晨征指越州
路岐成阻絕尊酒結綢繆
雨夜對水僊有懷

巖山非豹隱習靜類禪棲
幽暢踈鐙峻空林淒雨迷
幽葩寒獨媚鼯鼠夜常啼
還留三徑賞聊遲竹叢西
山房夜飲友至

上書欲老媿馮唐樂志空
山憶仲長藹藹花香披淨
几蒼蒼雲朶秘閒房城鴻
南度蘆花動天漢西傾寒
夜央已道歡娛成夢寐不
知遙滯在他鄉

夜期陳道復不至

偃仰碧山寒停杯待所歡
倚牖燈長燦依枝鵲未安
逕荒滋露蘚谷應激風湍
還期雙玉塵披對萬琅玕

古意二首簡徐秋門

君家滄海上妾望碧山頭
暮雨蘼蕪路春風翡翠樓
調絃縈舊怨臨鏡結新愁
何事長離別紅顏不可留
君心比流水妾身似浮萍
流水既瀾瀾浮萍復盈盈
慙相成附託終期久合并
忽與飄風會翻懸兩地情

過友值風雨

延眺碧湖中，霖雨動微風。
霑青來翠葉，度靛上花叢。
華堂方待燕，綠渚已辭鴻。
不嫌春酒困，但得賞心同。

吳門舟中贈別

良夜一杯酒，孤舟千里人。
燈深論白髮，衣故變緇塵。
郭淨山形繞，津長樹色新。
吳王臺下路，去住各傷神。

月夜送友宿梁溪

曉辭吳渚片帆輕，暮宿梁溪初月生。
岐路共看蓬跡轉，一尊聊以慰君情。

坐愛澄溪爲寶鏡，遙憐新月當蛾眉。
兩行玉淚分相

項禮集卷之二

十八

墨林山堂

照南北，愁心對別離。

客有言張公洞之勝賦此

嘉遯有靈跡，僊遊無近尋。
杳冥通穴戶，丹翠結巖陰。
雲榻唯餘石，鑪砂已化金。
待余探秘要，從爾學抽簪。

仲夏送詹中丞巡甘肅

胡騎駸駸向玉關，輜軒六月度燕山。
佇看麟閣雲霄上，汛掃風塵談笑間。

受降城下草湯湯，天瀉黃河揚濁湍。
節鉞指麾兵氣肅，遙應炎夏亦生寒。

復至雞鳴山二首

闢深元秘密路峻幾盤旋樂奏來天上雞鳴近日邊
輪臺長繞竹法沼未生蓮莫訝頗分榻須烹舊試泉
重命山中酒言尋物外盟爐烟浮閣動雲氣逐衣生
地秘花偏早人閒鳥不驚從來甘靜僻非是學逃名
春日同友登佛閣望浮屠二首

鳳剎乘春霽雞山列梵筵棟梁昭代始苑圃六朝前
作客長千里看花又一年醉歸應待晚鍾磬隔蒼烟
層嶺浮孤塔重城控石臺苑禽聽梵下中使賜旛來
法相千金麗空花五色開方同慧門賞遂遣幻心灰

對雪

張嶽集卷之二

十九

墨林山堂

雪裏軒楹敞山將圖画看乍凝迷玉樹漸滿失蒼巒
風迅梅飄易雲寒鴈度難何堪岐路裏况乃衣裳單
晝晦寒仍沍春深雪尚多柳邊為絮起花裏拂香過
澗道回鳴轍巖居欲養疴幽懷何以晤獨攬槁梧歌
同友人郊南還宿山中得鳴鷄二字

既並青郊騎兼陶玄夜情流風清竹牖踈雨動春觥
夷俟狂中散頽然酒步兵他鄉聊秉燭莫遣曙鍾鳴
孤旅同雲遠空林共鳥棲鄉書春未達歸路夢長迷
坐使繁花滿行者芳草齊停歌還起舞殘夜有鳴雞

雨中客至

卷之二

十九

墨林山堂

石室披雲卧階除上蘚文江聲遙帶雨春氣恣成雲
碧薦僊崖乳香分幽澗芹唯應求仲輩相與慰離羣

雨夜

鳴雨猶誼閣驚風欲撼臺不妨枕尚歛應妬杏方開
旅鴈乘春急羈禽入夜哀如何彈鋏者頭白未歸來

北城晚眺

步堞春風晚臨高落照殘樓臺周鎬邑山水漢長安
李映皆成素桃舒不讓丹從來佳面地隨興可盤桓

首夏集湖南

澄湖霽色靄蒼蒼含象涵空明鏡長絲管中流迴妓

張繼集卷之二

三

墨林山堂

舸芰荷別浦度鶉梁雲邊璧月當歌滿花下僊衣帶
雨涼莫道風光非襍飲還同曲水競浮觴

東園秋霽同諸弟携尊眺賞

誕嫚余成癖清狂爾較深言同池上酌來偶竹間琴
水氣澄蓮檻秋陰抱石林涼風一披拂竟日嬾衣簪

元目園居得立斜二字

梅風度暖入林丘栢竿乘春物外游徙席暫臨溪閣
迥開尊即賞竹臺幽野含暮景澄如洗山淨煙霧翠
若浮聞有高樓在空谷攀翻叢桂更淹留

梅窻竹几淨湖沙春霽芳林好物華山溜分池千轉

曲風條出柳萬行斜幽人觴詠憑玄石上士衣裾襲
采霞欲暮最憐乘興處餘酣仍弄犯星槎

過黃子山居

西園頗有會三逕許長過靜愛依巖穴深憐入薜蘿
洞房春獨闕山鬼畫相訶花馥濃薰靄池平湛不波
暫臨珍簾爽稍引惠風和促膝尊中好志筌竹下歌
月弦清影少日暮碧雲多願假龍膏燭何藉魯陽戈

友人草堂新成

爲園臨水浹上室闢郊屨嬾慢從嘲客沉冥獨尚玄
花幽長媚日槐古不知年唯有虛窓鳥時驚清晝眠

瓊林集卷之一

二十一

墨林山堂

七夕

靈匹歡期合蘭房巧席開星河一水限雲駕隔年迴
寶月明爲燭瓊漿瀉作醅願言宵刻永莫使曙光催
過友人隱居

逕多長者轍門以席爲關畫帙臨風散宵琴伴月間
愛花非學圃積石自成山有會常携興無時不醉還
詠美人

喬喬凌波步盈盈雲帔垂臨臺迷寢夢倚水采玄芝
明珠論作價白玉借爲姿所嫌何晚遇莫樂在新知

春日過五臺禪居

斲嘯林中侶兼携竹裏觴山如五臺起花似給園芳
彌天今道釋愛酒舊高陽化城不復但使日舒長

送友北上

昔聞下士開東閣今喜殊科聘藝林馮子悲歌三舍
客左生辭賦十年心蘭齋契分猶非馥江比離情未
是深引領但應西向咲日邊金玉遲來音

同友夜坐

高陽頗燕會之子獨參商斲聚爲萍跡分飛比鴈行
春歸連理樹花照合歡觴欲驗離腸切千迴漏水長

過金粟寺

荒臺古殿夕陽間斷岸浮橋夾水灣黃葉猶存舊時
寺青松盡是別家山

南園雜詠十四首

深林既杳靄脩竹復繽紛濁酒可自適鳴琴誰與聞
晚涼風色和日落浮雲多鳥喧亂叢薄魚戲動新荷
蔭葉如垂幄巢林當結樓寄言麋鹿友卒歲爾同游
時流好年少士籍棄微寒白髮何由變塵冠不復彈
槁梧攄沉寘吾亦忘吾形停雲抱虛牖清吹來空庭
學圃理荒穢抱甕汲寒泉龜勉或餘隙沈覽無生篇
繚繞值疎竹間以花百重雖無雕繪飾聊用代垣墉

游心假翰墨，跡托林垆品。水思刪譜評，茶擬續經
種。竹青林中竹，生日以廣詎。擬千戶封，但資三逕賞。
閒夜敞軒屏，蕙萑有餘馨。一雙巢幕燕，數點照書螢。
萱草樹堂背，合歡生階前。冥心與物化，憂憤自相捐。
文木良先伐，猗蘭芳見鋤。芭蕉獨無心，隨時自卷舒。
鳥聲百種轉，蝶思窅然迷。陰陰桃李樹，其下自成谿。
席門無結駟，几榻有疑塵。但遠人間世，何須滄海濱。

贈別諸友北上

十年挾策學干秦，欲敝貂裘表涿胡。塵一日致身霄漢，
上杏花春酒賜袍新。

項徵集卷之二

三十一

墨林山堂

漢皇恭已暮玄虛，岱嶽襄山封禪餘。詞賦紛紛賢侍
從，周南畱滯獨何如。

薊北吳南岐路分，來書去夢兩難聞。楊柳風前黃鳥
思，杏花天上鳳凰羣。

百尺金樓五鳳騫，雙飛玉柱兩龍懸。遙遙西向長安
咲，樂土應知在日邊。

建安諸子盡名流，魏文延攬一時收。不獨雍容陪後
乘，還將詞藻麗皇猷。

少年擊筑客燕都，白眼行歌過酒壚。寧知意氣成衰
暮，為謝同時飲博徒。

冬夜陳子湖居各賦一物余得清溪短榻限

清字

塵榻晏如情寒溪皎鏡清虛帷流棹響高枕激湍聲
懸處將雲滿開時帶月明元龍湖海氣客每下牀迎

冬夜小集適遠友書至賦詩答寄

朔地神徒徃南枝形自居夢中千里道淚裏一行書
醉憶醇醪共歌思白雪餘曳裾游許史託乘比應徐
夜久蘭鐙燦山寒蕙帳虛誰憐羈越鳥孤翻未能舒
徃遊錢塘蓮雲居賓山復聚樵李小五臺悵

馬言別得思字時凄風苦雨益倍離衷

項徵集卷之一

二十四 墨林山堂

錢塘傾蓋即相知樵李聯牀慰所思滄海一杯元有
適孤雲大地本無期必芻香裏房籠淨風雨聲中刻
漏蓮偶尔形骸成幻對遂令尊酒惜分離

顧氏居牡丹頗盛而獨不見其開時豈亦有

緣耶盛麗難常凋謝易及擬人以物有足

悲者願言之志聊宣諸詩

風雨開三逕求羊得暫從春憐將盡夜花想盛時容
翠幄餘香貯雕闌碧蔭重共傷凋謝質難冀艷陽逢
閒命頤園駕重嗟金谷花艷成新翦絲散作易飄霞
階淨春苔積庭空暮雨斜更堪畱玩處翠竹影交加

願園更多脩竹良可愛玩不凋之節非妖冶
可傾蓋牡丹視羣卉則王於竹特姬侍也
此不當與俗人道也

暮涉雙溪爰止武塘信宿武塘蓋桑梓之處
也遲遲吾行非父母之國宜然哉自初至
計還僅成二詠

暮涉雙溪水言采白蓮洲素月有朗照安波無迅流
以鷗為狎侶將葉擬輕舟但覺衣裳濕寧知露漉浮
桑梓維恭止遽廬有戀情澤深當水涯山積與雲平
暑向迴颯減秋從過雨生寥寥天宇曠聊試苧衣輕

頌歡集卷之二

二十五 墨林山堂

冬夜同吳練浦家弟子京過叢桂軒喜子忠
病起分韻得歌字

平堤落日帶晴莎載酒移舟好事多幽桂一叢臨几
牖澄波千頃動星河相如抱病成文癖阮籍踈狂屢
醉歌婉變竹林投分友琴尊奚厭日相過

子京得思字

共狎竹林友文園慰所思星憐相聚夜人喜合歡時
逸興流雲藻高情寄酒卮徘徊深秉燭不覺漏遲遲
乘雪過關西翁宿舟中

雪滿平如積溪寒凍不流有花聊假樹無月自明舟

爲憶高人卧因成長夜遊清言當杯酒興盡不須留
窓下疑塵几燈前舊篋表梅花將咲並白雪把歌倚
門迥長無掃簾疎不上鈎然爐聊促膝永夜謝庭幽
古心還天目因想山中之勝率作四絕

巖雲塔倚萬峰西六月寒風白露淒滯跡未能凌倒

景馳神先已及丹梯

天目六月無暑

憑虛軒牖拂流雲不斷名香靜處聞石上乳泉雷後

英令人一想一氤氳

天目泉冽茶美堪入上品

空虛元是清涼域煩雜皆爲蚊蚋區跌坐冥心方挾

續埃雰炎汗正流濡

天目無蚊蠅當暑挾續

項嶽集卷之一

二十六

墨林山堂

九重霄漢鸞情極千仞雲霞鳳想疲何事定須婚嫁
畢山中幽桂晚紛披

巖子行新自林陵還賦喜限花字

貂裘歲晚猶于役黃鳥春殘始及家蠲思共攀幽逕
草合歡兼對夜庭花南州客下雲間榻遠漢人歸月
裏楂願以清尊聊當水甃將纓綬濯塵沙

柳枝詞

依依苑地柳條春日日河橋送遠人試取長絲牽別
袂更將新葉比眉顰

去年別君攀柳枝今年攀柳憶君時狂夫浪跡無憑

絮賤妾愁心不斷絲

鴛鴦湖上暖煙銷蘇小樓前百尺條嫋嬾鬢將雙燕
拂輕身纖態各成嬌

立春西郊探春得鈎字

載陽初啓節四美併成遊淑氣梅間淺條風柳上柔
在淵龍欲躍出谷鳥相求命賦時臨閣登僊或汎舟
花枝憐剪綵杯酒戲探鈎唯有陽春曲希音孰可酬

牡丹

裊裊風枝拂檻香盈盈月朶共人長沉香亭上酣春
賞坐使官娃妬晚粧

項少微集卷之二

二十七

墨林山堂

七寶爲欄錦作幃香霞暖護出牆枝最憐暮雨隨雲
散更愛春杯映月携

送友移教日照

穆陵關阻海東偏千里乘風跨鶴僊山近蓬萊先見
日岸平湖汝欲浮天蘇湖教術尊胡瑗齊魯師儀表
鄭玄從此將君比疇爾行看桃李蔚相鮮

春夜友過

熾婉二三友能忘爾汝形杖頭携酒值案上閱玄經
梅吐分千白松長列並青乘春共消散風雨夜冥冥

荅郁子韻

過雨淨虛堂幽燈共一觴山空天籟息城寒春夜央
酒中齊物理歌裏易年光媿無陽春調報之瓊瑤章
和宋子韻

修竹開成逕垂楊倚作門青山聊隱几玄酒不虛尊
澤氣連雲晦松飈激夜喧筌蹄忘已久寔對復何論
和仲子韻

吾愛仲長統清芬邁昔賢林園能樂志風雅振瑤篇
蘭澤薰春靄梅郊澹晚煙解裘應縱飲莫問酒家錢
閏正月一日過友人山居

夏統人爲正堯冀月再新芳尊猶泛柏杉勝已迎春
項小徵集卷之一

宅近青山麓門偏萋柳濱朋簪無祉福共喜集茲辰

古意贈別

驅車涉長道行行不可攀琴中淒別調夢裏失關山
草亂相思緒花疑乍見顏何如玳梁燕雙去復雙還

聽松樓坐月

樓在玄
妙觀

天上僊人白玉樓層窓高棟若虛浮四圍松響輕風
動一道雲光片月流坐近南山聊作几俯臨瀛水別
成洲誰言地迥終難到自喜春宵每共遊

早曠賦此

周帝憂勞日涉林禱祠朝秋畦將化陸炎海不生潮

盪日雲光薄迎風雨氣消詎堪思濯意執熱困塵囂
秋雨喜友夜過席上得真字

疎雨清秋夜孤舟訪刻人情酣非是酒跡遠若為隣
釣水寧于世耕巖藉養真重開高士榻一掃十年塵

答江子深字

白石虛堂靜空山秋草深琴尊宜永夜蘭芷洽幽襟
雨去庭如洗風來葉自吟莫嘲耽卧癖應解草玄心

答宋子吾字宋子少予二歲

中林展良讌華燭映清醑敦好無先爾論年稍後吾
候蛩偏入戶涼葉已辭梧對雨忘深夜虛窓興不孤

項徵集卷之一

二十九

墨林山堂

夜月飲友

藹藹月臨牖泠泠風灑幃火流知夏改葉墮識秋歸
俠客歌長劍山人醉白衣尔多勞遠役吾已久忘機

贈詩友

蛾眉恒起妬薄命亦堪傷傾羣揚郢曲絕世出吳粧
王樓長自倚金屋未能藏將心比幽草時晚抱孤芳
三塔鍾樓邀眺俯瞰龍淵賦此

金策翔空振朱樓倚日懸山形滄海近水勢具區連
瓊玉分成塔琉璃取作淵俯窺龍卧處晴晝起雲煙

藍口美真如待月得傾字

春服既新成，暄風復乍晴。酒同修禊賞，社擬白蓮名。
華月浮杯動，銀河拂樹傾。緩歸幽徑晚，處處彩雲生。

月夜過陳子忠

月光不讓晝，夜氣暗生春。杯裏清為聖，樓中玉作人。
星疑潁水聚，會以鄴園倫。不醉無歸去，歡倩詎易陳。

和陳子山字

明月寒沙淨，悠然獨掩關。湖空難辨水，峽遠不分山。
幽桂偏宜晚，孤雲亦是閒。南樓有佳興，逆曙未言還。

三日西樓分深字

樓迥碧雲深，川長朏月沉。梅香琴上落，蘭氣酒邊侵。

項少微集卷之二

十一

墨林山堂

詞客陽春曲，佳人子夜音。歲華方改昔，眺賞已成今。
同陳子子忠弟子京菴月臨華池分池字

迎秋臺館臨華月，夾岸芙蓉匝錦池。浦淨乍疑珠出，
夜水明新似鏡開。時乍看清影，流天漢坐覺浮香動。
桂枝醉向深杯歌，湛露魚知極樂躍漣漪。

賦翫月臨華池

子京

良宵載酒，抑招尋雲散，遙天皓魄臨。月樹漫隨河鵲，
逸酣歌，宛似水龍吟。花飄碎影，繁丹粟波汎，清光蕩。
碧潯乘興，杳然歸路晚，不知玉露泫幽襟。

叢桂軒小集待月

西墅幽軒聊命席中林縱酒日爲羣山橫佳氣生秋
爽水映晴光盪晚雲錦石舊從河上取芳枝今自月
中分未須稱賦同王粲更欲臨流擬右軍

秋日采菊龍淵因過陳子別業

臨淵高卧潛龍德傷竹幽棲鳴鳳雛籬菊迎芳言采
撥溪風帶爽沈縈紆林同蔣詡苔三逕室比楊雄草
一區投轄畱尊陶未夜踈簾斜月對薰爐

重陽後嘉木堂翫月

玉塵晤談秋水涯竹林溪憩夕陽斜蘭尊未盡歌前
酒菊檻猶芳賞後花灌木涼多風屢拂虛堂夜靜月
偏嘉不知坐久侵苔石已覺衣裳浥露華

頌嶽集卷之

十一 墨林山堂

立冬日菊始花移置山房把酒臨玩得山字
空林落木寒初入叢薄餘芳菊尚斑霜徑傲如高士
操風簷瘦並玉人顏凋遲鬢託簾櫳裏開晚長違歌
笑間欲采一枝追徃興聊持杯酒對南山

訪駱逸士不遇對菊悵然有作逸士有子喪

歲名吳市慕霞餐秘室東山卧未安芳圃雨餘偏媚
菊玉階霜早易凋蘭鳴鸞杳若空中嘯流水虛疑曲
裏彈竹戶何須題字去蒼崖新有勒銘看

武塘王虛道院二首

翛然會心賞曠矣水雲虛蘿幌親入鳥琴窓在藻魚
飛龍將作杖素羽用爲裾雅有籠鷺好因畱寫道書
已學丹砂法將成辟穀名山多高卧處溪有濯纓清
瓊樹榮千祀玄芝秀九莖層樓霄漢上髣髴步虛聲
陳子鶴湖新居得青字
階除不掃席門高苔蘚新看雨後青踈柳平隄時坐
鍛空林虛几愛談經啓扉南峽芙蓉色蕩檻雙湖比
翼形寄語海濱同操者移文休勒址山銘

同陳子忠諸友弟子京西城詼雪分韻得涯

字

項嶽集卷之一

三十一

墨林山堂

龍橋鴛渚抱湖斜積雪重城眺望賒見睨乍看消作
水入枝差擬剪爲花瑤臺游豫歌黃竹瓊苑文詞命
紫霞高卧袁安何寂寞寒甍獨掩暮雲涯

西城詼雪

子京

朔風飄雪暗城西萬里凝陰望欲迷倚水雰霏如絮
舞因山合沓與雲齊青峰盡作瑤臺石碧渚皆成白
玉堤悠然眺賞成佳興更欲乘舟入剡溪

春夕過家弟子京花萼亭分韻得多字

別墅乘春賞西園偶夜過風林聊命奕池草自成歌
暗水鳴琴瑟繁花雜綺羅不愁華燭盡應愛月明多

南湖煙月

相傳范蠡載西施過此
有梳粧臺故址猶存

朝憐春雨隨雲散
夜愛晴煙與月俱
范蠡徑迷舟獨遠
西施臺迥鏡長孤
花香霽相明滅
沈渚瑤光乍有無
何是機心終未息
却驚宿鳥度汀蘆

九里道中夜歸同友人得園字

郊南携輿同酣酒
樹下逢歸偶灌園
沙迥溪長通夾谷
花迷路轉失桃源
舟飛不道輕能捷
水落還疑響似奔
彷彿樓臺催鼓角
微茫燈火欲黃昏

峽石山舊名夾谷

陳子將就省試過余言別因憶往歲同嚴子

項嶽集卷之一

三十三

墨林山堂

行弟子京待月龍淵之會已成
陳迹愴今懷昔分韻得蘿字

去年明月頻數照
今夕秋風柰別何
旣惜離羣同越鳥
更憐流景若江波
賈生挾策才名久
漢世懸旌年少多
君學飛鵬搏瀚海
余慚玄豹隱巖蘿

子京得安字

王勒金羈擁繡鞍
翩翩挾策赴長安
天邊明月飄丹桂
江上秋風汎紫蘭
萬里蒼雲黃鵠遠
千條疎柳夕陽殘
他時故里連車騎
莫避原居藜藿寒

入杭首晤徐秋門於聖水禪房

南州斲下高人榻，聖水欣逢大士居。層嶺千盤雲閣迥，平湖一片月窓虛。醇杯欲醉能忘爾，蘭席相歡若起予。已信嵇康成懶慢，何須更擬絕交書。

贈賓山大士

支遁愛山不出山，聊將幻迹寄人間。削平竒石成危坐，閒拂停雲當掩關。薰爐書几淨白日，嗒爾沉冥通秘密。詞賦憑高靈運倚，書法臨池永師匹。卻笑逃名不可逃，彬彬蓮社皆賢豪。一見令人慰仰止，天空鬱鬱吳山高。

月下對王簪花擬竹枝詞三首

項嶽集卷之一

三十四

墨林山堂

樓上看雲思殺人，樓前見月眉雙顰。浮雲不定似郎意，明月長孤如妾身。

與郎初見結同心，白玉爲簪不論金。如今郎去簪亦斷，羞把花枝比玉簪。

禦兒溪見賣鹽婦作竹枝詞

挑鹽向市天未明，賣鹽還家日西傾。厲深揭淺競趨捷，檐頭小兒不怕驚。

望潮不至復作二詞

錢塘江上望多時，潮去潮來人不知。一道平沙浮淺水，年年年間殺弄潮兒。

郎君南埭妾北眉早潮望到晚潮時浙江潮信有時
失郎約何時可定期

十七夜鴛湖待月兼別友人得天字

共選南湖勝同酣明月天應憐三夕賞未減十分圓
蘭渚團芳露蓮塘溢暗泉如何歡晤地總是別離筵

次空字

月色已秋中湖光映若空行將風作御坐以水為宮
桂滿千花馥霓懸一道紅餘歡聊卜夜寄跡柰飛鴻

次星字

為多山簡興言過冒家亭湖迥珠宮白沙平玉案青
殘杯留落月斷雁帶踈星莫惜離前醉何堪別後醒

項秋集卷之一

五 墨林山堂

次分字時文往辟雍

月當既望後秋是昨宵分桂樹杯中影蓮花劍上文
辟雍崇昔典封禪邁前聞草就甘泉賦君王待子雲
甘露為酌江張貳守作

湛湛露光滢瀼瀼物色滋流膏旋作澤凝液盡成飴
團葉疑僊掌承花比玉卮甘棠歌去後瑞應紀斯時

南園晚涉得南字

命友幽尋乘暇逸窺園容與散餘酣蒼苔落日班荆
坐翠篠微風傾蓋談水靜遊魚浮藻外林疎飛鷁繞

枝南詠歌不道歸來緩月色清秋夜正堪

歌兒

吳越之俗媼後相高兒皆替理傅粉太史公曰非特女以色幸男子亦有之

髻鞞蟬形兩翼開眉分柳葉若為裁百戲場中呈伎
出紅粧隊裏踏歌來

寶叔塔然燈

寶叔塔高千尺強瑤窓面向八風涼火中不滅金蓮
色暗裏長生白玉光

寒夜蟲聲

落葉晴沙白露溥一庭明月草蟲寒在牀細語時虛
應入戶淒絃有暗彈織婦閨中機正趣幽人枕上漏
將闌不知歲事云遲暮猶向西風拂羽翰

項獄集卷之二

三六

墨林山堂

西湖竹枝詞

花壓低鬟多不嫌風起蘭袖暗香沾戲臨湖渚凌微
步競逐雕輿捲上簾

寶叔塔友人得靈草志喜

允間符瑞慶維嶽隆神英麟趾元多類鵠雛不獨生
壁聯相似白珠並兩邊明已協雙蘭愛彌深一掌情

晚坐

性懶希中散庭幽挹上皇草多隨意色花有可憐香
得月如無夜非風亦自涼悠悠坐超忽露淨一天長

集陳子忠望湖樓得樓字

南湖流水日悠悠，踈柳平蕪帶遠洲。
軒牖似從天上起，鴛鴦如在鏡中浮。
月明素女遺珠佩，晝靜游人蕩綵舟。
見說憑高能擬賦，更堪佳興數登樓。

望湖樓

元汴

憑凌入霄漢，眺迥出氛氲。
綺牖含蒼靄，湘簾蕩碧紋。
湖空難辨水，樹遠欲齊雲。
冥冥黃鵠羽，矯矯不羈羣。
冬夕園居各詠席上一物，余得筍乾，限青字。

青筍出天目雲霧之鳥味頗幽嘉

雲霧本潛靈，風雷欲化形。
為龍枝未長，剖玉籟先零。
項嶽集卷之一

三十七 項墨林山堂

質朽終存節，心虛不改青。
詎宜供旨蓄，應待拂蒼冥。
贈別永嘉鮑鑑泉江陰郭半稼同嚴子行陳

子忠張伯容弟子京

郭子風流元有道，鮑生玄思奕秋前。
踈鐙投轄淹雙俊，脩竹駢筵偶七賢。
明月正臨杯裏聖，香風兼汎水中僊。
時水僊不堪蓬跡輕，分袂悵望鴻飛各異天。

贈別鮑鑑泉郭半稼

元汴

年來浪跡托江湖，此日欣逢飲博徒。
鮑子手談超百粵，郭生詞賦邁三吳。
花間命席開棋局，月下行歌過酒壚。
讌笑不堪成遠別，依依南埭片帆孤。

再贈半稼半稼雅逸乍遠耽奕愛吟酒後清

狂蓋不知老之將至又善蒔植寄生續斷

即門園無以遠過戲成四韻聊當獻嘲云

帶索一表披行游任所之奕探玄奧昔花續寄生枝

思逸詩偏捷狂多老不知深杯淡若水歲晚共襟期

宿轉塘望海

盧敖見蒙谷之士曰吾與子汗漫遊于九陔之上

出海唯三里浮游即九陔杯中華月落枕上暗濤迴

岸作盤龍轉舟如一葦來望洋應自失何處問蓬萊

宿破山用唐章孝標韻

登樓俯紫微

西峽名紫微

殘日藹微微雙峽分相峙中川

項嶽集卷之二

三十八

項墨林山堂

迥若飛蓮雲長繞塔花雨不沾衣為待東巖月厭厭

夜未歸

月堂夜坐濯木鬢蔚頰礙山色命翦其繁

絕磴出雲危虛堂向晚披竹開留客逕樹翦碍山枝

海月臨窓遶湖帆鏡窺投簪屬清曠永夜不知疲

陳子西圃牡丹去歲榮豔殊絕今春較弗逮

繁盛潤春謂不有時耶感而作得深字

獨倚東風春不禁傾城一笑暗香侵露含粉素沾猶

薄日暎臙脂染未深侈賞為欄皆七寶貯嬌成屋盡
黃金相歡共際清平世誰嗣僊才古調音

病起過友人

新晴出郭試浮楂更上西樓爽氣嘉展簾澄湖雙鏡
寓開簾纖月一鉤斜忘情夜沅杯中物遺世秋餐籬
下花疲病莫辭終讌咲踈鐙殘角思無涯

巖一子行趨自建業席上賦詩

昔去春初草欲芳今來秋杪菊猶黃行踪滯滯隨蓬
轉歸路迢遙逐鴈翔良晝祗應歡處促愁宵不是別
時長誰言寧飲江東水未及尊鱸在故鄉

風雨海上還宿西峽月堂蓋舊游處也

泠泠千仞御風行片片流雲拂袂輕猶識巔崖舊樓
處虛窓松月海濤聲

隳獄集卷之二

二十九

墨林山堂

西峽東山相對齊雨深雲暗兩邊迷更憐倦鳥高飛
翼聊借空林木棲

紫薇高山入杳冥蒲團風雨夜談經踈狂未晤調猿
性多病將成煉鶴形

水從西下連天目山自南來控海陬揮手徐飛九節
杖振衣還眺百重樓
白雲爲梯石作樓百丈平臨谷水流不信靈巖先氣
暖請看春色在枝頭

千山吐雲海氣寒迥船急榜犯風湍若爲得借浮杯

力長水奚嗟歸路難

積雨巖扉晝不開蒼松白石淨琴臺道尊只合西山

並地迥能令俗駕廻

僧有善琴者避客之溪聊爾朝讓

所知過竹素園止宿

蕭疎短髮不勝冠卧起空齋過午餐幾種鳥聲新雨
霽一番花信朔風寒荒園獨灌於陵子敝榻幽棲管
幼安喜有同懷相慰藉溪杯孤燭夜將闌

過頤氏園居

去郭林園頤碑種平沙俯竹帶滄浪餘酣更掃蒼苔
石坐聽禽聲送晚涼

頤嶽集卷之二

四十一

墨林山堂

芳郊迎夏麥風和野席餘春櫻筍多叢竹自能培舊
逕接羅莫厭數相過

友人見餉幽澗答以蚡茗

林殘寺毀數遭兵唯有幽澗不改清忽枉瑤函相問
訊雙罌無慰澹然情
泠泠風色雨蕭蕭小簾虛窓竹影交料得中林清晝
求一杯新茗暑全消

幽澗託靈神女蓄德不渝予所愛尚獨惜其

為用而遭烹感而作此因貽同志

滌井既可食抱甕奚自嫌縈廻文屢演幽遠德恒潛

不甘先兔竭若淡久無狀欲將試寒冽持以驗蒸炎
神女逐波行靈泉繞處生照花顏並咲映月鏡雙明
持將無盡意兼此淡然情爲具沾濡用難辭鑑鼎烹
顧子居牡丹盛麗花時每不及賞初春偶過
而新蕊繁多蘊奇含芳便可愛玩何必以

全開爲期

碧梧白石淨中林高卧違時懶慢深數卷殘書塵滿
榻清風虛牖上皇心

過雨閒庭碧蘚滋暄風初動牡丹枝且看繁蕊含新
色待得全開負賞期

環徽集卷之一

墨林山堂

重陽前二夕讌集友居得年字時海寇未弭
漆園寄傲真成隱修竹同游不記年旣取澗花催讌
賞更攀崑桂重留連窓虛低月明秋水杯動繁星二
晚天羣盜紛紜思仲甫中興神武頌周宣

亂後登平泉樓得沉字

高樓暮敞日初沉叢菊遲開負賞心原野塵氛猶散
靄海天兵氣自成陰一方涼月依殘水三匝驚鳥繞
故林王粲逢時倍搖落試將杯酒慰登臨

贈碩生

君不見豫章七年人始知已成楚楚棟梁姿鷓雛干

初會有時坐待翩翩具羽儀垂髻白皙異瞻視寡辭
重笑非九子由來甘茂多奇志不獨蒲衣稱稚齒有
兒寧馨誠足憐悲几螢窓弄簡編入門一見即相許
定交與爾欲忘年

旅宿武塘東樓賦得月明秋夜長

綠雲孤榻迥倚水一樓懸殘月侵窓隙鳴榔過枕邊
夜長知寐少衾薄覺寒先豈是商歌者栖栖待曙天
晚次魏武唐憫亂二首時有築城之役

揚舡逢出浦秋水欲浮空晚晚嶮嶮日悲涼禾黍風
情勞同倦鳥跡轉類飄遂舊里瞻依處荒郊喪亂中
項徽集卷之一
四二
墨林山堂
數郡妖氛合千家烈燄飛溪塘諳舊是市肆覺今非
樹燬枝難鹿巢傾燕不歸詎堪征力役况未息戎衣

古意

閨中思婦不成粧獨自徘徊懶出房鸞鏡已分難比
月鴈書未到復經霜遼陽路沮風塵晚砧杵秋高木
葉涼無語一燈恒至曉戒寒徒自想衣裳

武塘乘月夜歸

此夜月光輝容與一舟歸水靜聞魚躍林明見鳥飛
風吹楊柳葉露濕芙蓉衣歲事欲云暮滄洲意頗違
倭寇屯聚沙圍不歸海島動以萬計時時侵

掠內境患在几席禦備無策吾其處梁之
燕雀乎

海島雜相依團沙久不歸唯將舟作穴無假鐵爲衣
舉扇聊分陣吹螺遽合圍何能勤遠略毋使逼郊畿
子夜春歌

歡行大隄頭妾蓮西湖止荷葉未生花何處得蓮子
兩意本相期一心良獨知分開插楊柳對面各成絲
春睡何曾足日晏下粧臺褰幃羞未出微覺有香來
佩囊錦璽瓏竒香舍其中雖假百合成終然臭味同

飛霞篇

項徵集卷之一

四三

墨林山堂

天上飛霞采閨中出美人分明俱麗色但較異情神
向月鸞爲侶依花鳳比倫不學陽臺上雲雨一番新
雨霽同友生西湖汎舟初至六橋
交交黃鳥鳴求友片片風花泥酒杯不覺舟平乘水
去卻疑山近逐人來朱櫻玉筍春將晚綺閣瑤臺雨
欲開舉目未應風物異憑臨莫作楚囚哀

再至六橋四絕

千杯旨酒莫辭深一曲春歌子夜音不見六橋桃與
爭花多成子葉成陰

疊春山翠作圍平隄新水柳依依吳姬戲蕩雙蘭

楫驚起鴛鴦一處飛

織羅霧縠暖相宜隄上行歌怯步遲眉淺不曾施粉
黛嬌多聊以助花枝

綴朱間翠逐行斜衣袂霞文簇絳紗若取西湖開作
鏡分明照出兩邊花

四至六橋

春渚移蘭棹高陽縱酒杯月明疑洛浦雨散即陽臺
雲影當歌落花枝傍舞開因成十日飲頰向六橋來

許氏山亭

竒逕盤雲磴飛亭出竹林江流長帶限海水一杯深

項嶽集卷之一

四十四

墨林山堂

花氣明殘照峰文澹晚陰寧知離亂裏觴酌共登臨

歷九里松入天竺

雨霽雲猶潤松深蔭不開溪聲一道出山色兩邊來
窈窕青蓮宇岩荒靈鷲臺迷途方欲息淨域繫遲回

乙卯春倭奴據海孺自八團七團以次侵入

柘林曹涇等地蓋自去年夏秋間去住自

由了無沮扼當事者計無所出若置此地

於度外正月稍稍南出二三千徑襲崇德

城陷因剽剝德清練市烏鎮南潯震澤皆

湖州地盤旋幾月四百餘艘捆載北自平

望循嘉興東還官兵奔潰死者三千餘遂

安然抵柘林舊巢矣至四月廿二日復南

出自鹽官趨嘉興沿西河秋涇北去聲將

指蘇也會未順保靖兵徵至遇於吳江東

乘銳斬獲殆三千餘前此未之有也師旋

凱樂播之歌詠前是田州守岑孟妻尾氏

率兵勤王雖庶成功亦勇矣義在得述

君王神武馭英雄五寨併靖三溪未率服同敵愾本期

終殄絕太常已擬待元功

利刀八尺一鈎竿軍有鈎刀于名勁弩千鈎箭羽斑蕩寇疾

項意集卷之二 四十五 墨林山堂

如風電掃歸師競執馘俘還

自昔倭奴叛海陬元戎獨救廣寧劉劉江洪武初平倭功封廣寧伯

載在五倫書 于今鄂楚多飛將當寧寧勞南願憂

皮服猩猩血漆新堦鰲鳳翼赤龍鱗翻令婉孌專雄

武始信鬢眉多婦人

娘子雄兵助定唐木蘭曾備漢戎行但期長技能摧

敵何忌三軍氣不揚平陽公主七萬兵助秦王定天下魏娘子軍木蘭女代父從軍

平胡古有木蘭辭

獨坐有作

效椽聊託跡一畝即為宮虛室能容月疎簾不蔽風

忘憂萱草色同臭紫蘭叢請謝軒車者原居委巷中
月來如可攬蘭久不知馨滅燭寒書幌臨風倚石屏
枝驚無宿鳥簷墮倦飛螢為遲清談客衡門夜未扃
茉莉白花來自閩廣香特異柔枝如夢開與
閩蘭同不能寒即保護無經歲者往嘗作
詩詠之不足聊復潤益

幸得與蘭莖歲麤君砌傍含英須晚露垂穎待朝陽
花晚開朝萎香自傾心出枝如引蔓長願言勤采掇應惜
易凋傷

庭蘭

項嶽集卷之

四六

墨林山堂

懿此澤中秀元從九畹分閒庭聊藉託衆草自為羣
紫英何旖旎碧葉復繽紛日靜涼風動為君起清芬
芙蓉

濯濯芙蓉姿宛在水中坻風來花歷亂月照影參差
下棲交翼鳥上秀合歡枝聊代瑤華折欲以寄相思

畫中雜詠

繡毬

斜倚闌干夜氣清輕風不斷月華明若將移植無雙
觀未許瓊花獨擅名

荷花

